

THE HISTORY OF THE CITY OF BOSTON

BY
JOHN H. COLEMAN

欽定勦平捻匪方略卷一百六十二 壬戌年

九月二十一日

庚午

光祿寺卿潘祖蔭奏

擾害關中

皇上特派勝保帶兵前往總統諸軍而勝保入關以來疊次獲勝似不難指日蕩平矣乃據臣所聞則大異於是聞其於八月二十六日一戰失利已挫軍威行李輜重俱爲賊擄責令州縣賠償

奏報勝仗多屬子虛所部兵勇擄掠姦淫無所
不至而勝保昏然不知知亦不究有素所信任
之回弁陳姓擁衆降賊彼亦無如之何其營中
差使悉以賄成得差後卽向糧臺濫支新水饋
獻有加便得從優保舉執袴子弟無賴少年莫
不夤緣入營現復倡輸將之議託言籌餉實則
搜括徧勒圖飽私囊縱寇殃民莫此爲甚可否

請

旨嚴密查辦之處出自

聖裁奏入報

聞

同日呂序程奏言查鄭元善奏六月二十五日
官軍攻克平輿集由平輿直偃該逆老巢鋪張
揚厲粉飾多調乃近聞平輿並未攻克陳大濬

依然肆擾伊弟陳蛟現仍率衆在寨內抗拒官
軍不敢向前藩司張曜現在汝郡東北四五十
里之韓嶺紮營距平輿五里不敢前進賊之糧
道並未能斷且平輿卽賊老巢亦並無別擣老
巢之舉該撫於共見共聞之事膽敢捏飾欺蒙
實出情理之外緣該撫才識迂疏以牧令之才
膺封疆之寄力小任重本不能勝復因年力就

衰不能振作是以事事彌縫現在河南髮捻橫
行良民之居鄉者皆偪令領旗蓄髮而西北一
帶毗連陝境賊勢尤張該撫徒事粉飾毫無實
際誠恐養成巨患關繫匪輕相應請

旨飭令僧格林沁將鄭元善捏飾情形認真查辦據
實嚴叅以爲人臣欺罔者戒奏入

上命議政王軍機大臣傳諭僧格林沁曰前因鄭元

善奏於六月間官軍攻克平輿直徧該逆老巢當
經明降諭旨宣示茲據呂序程奏訪聞平輿並未
克復陳逆之弟陳蚊仍在寨內率衆抗拒勢甚兇
猛張曜現在汝郡之韓嶺紮營距平輿五里不敢
前進賊之糧道並未能斷現在河南髮捻橫行良
民居鄉者皆徧令領旗蓄髮等語平輿究竟是否
克復鄭元善前奏攻克平輿後餘賊遁入甄寨老

巢是否屬實髮捻各逆是否有偏令良民領旗蓄髮情事著該大臣按照所奏確切查明具奏

二十二日 辛未 鄭元善奏言疊據河北鎮總兵牛

浩然來咨並河北道府等稟報捻匪於閏八月二十七八等日竄擾孟津下固街小呂莊等處撲近河灘意圖搶渡防河兵勇民團分段駐紮晝夜防守馬步賊匪時於河窄溜淺之處鳧水

均經對岸槍礮轟擊立時沈斃其河身較寬槍礮所不及處又經牛浩然選派兵練駕駛小舟排列中流對准開礮擊斃匪夥無數捻股無一人一騎得以北渡又據孟津縣知縣王雲漢稟報該匪因未能搶渡麕聚縣境分投擄搶並乘夜撲城王雲漢督率紳民多方守禦又召募壯勇開城出擊疊次將近城盤踞悍匪殲斃甚多

乘勝追剿出境城圍已解河岸渡口一律肅清
復據東路僱師章縣報稱該匪分股竄撲到處
裹人百數十里之內幾於處處皆賊該縣等募
勇督團各守城寨以防爲剿均有斬擒鞏縣知
縣袁修翰力扼黑石關要隘並督帶練勇在莊
頭寨乾溝寨兩次迎擊殲賊匪百餘名該匪
折回西竄各等情臣查此次擒股探係孫老畏

爲首擁衆肆擾勢極猖獗幸兵民一心同仇敵
愾黃河天塹得免疏虞惟匪衆尙有三四萬而
臣營馬步僅三千不得不慎益加慎惟有督飭
副將楊長春署河陝汝道龔毓華等力籌戰守
自九月初五日後探悉該匪分擾孟津偃鞏各
境大股則屯踞洛陽三十里之白馬寺邊馬時
在郡城東南北三面往來遊駛以阻我兵當飭

楊長春酌分隊伍輪流出戰疊有擒斬十二日
據探該匪向南移動卽派楊長春統帶馬步各
隊參將馬春華管領存城兵勇署河陝汝道龔
毓華督帶親軍練勇會合出擊行至棗園地方
該匪前股半渡洛河後股亦銜接而進我軍乘
勢衝擊該匪首尾不能相顧紛紛潰敗楊長春
指揮追壓匪衆落河淹斃者不少忽前股匪衆

折回援救遊擊甄樹德等連砍黃衣賊目五名
逆勢不支奪路奔竄探悉該匪以東北兩路未
能竄越歸巢情切已由白沙鎮向汝州一路遁
駛查前調盧得勝一軍據報已由汜水西來不
日可到毛永熙前派遊擊陳祿興帶隊於許州
一路扼紮適當汝州東竄之路可期邀截臣仍
飛調盧得勝迅速赴洛會同楊長春剋日拔隊

追剿總期賊至何處兵至何處兩路夾攻以靖

醜類

鄭元善又奏言據署項城縣知縣陳桂馨稟稱
捻匪劉舉之弟劉紹礫竄擾縣境攻破曹寨盤
踞不動九月初四日糾合汝信捻股馬步三千
餘人攻撲該縣東南兩關已將南關寨攻破陳
桂馨登陴嚴守並派勇馳城出擊該逆轟塌東

門城牆三四丈守城民夫竭力堵禦城上開放
大礮轟斃該逆多人賊勢不支始漸退回曹寨
情形緊急請兵勦辦等情臣函商藩司張曜將
前調赴宛之已革參將尹嘉賓馬步全隊移緩
就急飭赴項城先將劉紹祿捻股迅速撲滅並
飭該縣加意守禦一俟援兵到境會合力勦
鄭元善又奏言查察吏乃能安民安民乃能裕

餉而察吏需餉皆屬藩司專責現在藩司張曜
在汝甯帶兵圍攻陳逆老巢歲事未知何日兼
之各處賊氛尙須掃蕩到任更未有期該藩司
久在行間素稱勇敢軍務是其所長至於承流
宣化甄別人才籌措軍餉責任綦重恐張曜尙
須閱歷未敢信其遽能勝任可否請

旨另簡以專責成